



17. december 2018

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. § 37 naapertorlugu apequtiga 2018-191 Naalakkersuisut allapput ulloq 20. august 2018 inissianik attartortut 14-it iniminni oqummik ajornartorsiutit pissutigalugit inissaminnik allamik utaqqisut.**

Ineqarfimmini oqummik ajornartorsiuteqarlutik attartortut qassit massakkut inissamik allamik utaqqippat?

- 2. § 37 naapertorlugu apequtiga 2018-191 Naalakkersuisut allapput ulloq 20. august 2018 inissianik attartortut 14-it iniminni oqummik ajornartorsiutit pissutigalugit inissaminnik allamik utaqqisut.**

Pineqartut taakku qassit 20. August 2018-ip kingorna nutaamik inissaminnik tunineqarpat?

- 3. Naalakkersuisut ilisimatitsissutigisinnaavaat inissiat attartortittakkat Nuummiittut, Sisimiuniittut, Ilulissaniittut Qaqortumiittullu qanoq amerlatigisut oqummik ajornartorsiuteqarnerisut?**
- 4. Naalakkersuisut ilisimatitsissutigisinnaavaat inissiat attartortittakkat oqummik maanna ajornartorsiuteqarfiulersimasut siusinnerusukkat aamma taamatut ajornartorsiuteqarfiusimanersut iluarsaanneqarnermilli kingorna najugaqarfigneqaqqissinnaalersimasuullutik?**
- 5. Ilaqutariit maanna najugaqarfimmini oqummik ajornartorsiuteqartut ineqarnikkut aaqqiissuteqarfiginissaat pillugu Naalakkersuisut qanoq neqerooruteqarsinnaappat / neqerooruteqalersaarpat?**
- 6. Inissiani oqummik ajornartorsiuteqarfiusuni najugallit ilaqutariit peqqissusaat – tamanna Naalakkersuisunut qanoq isumaqarpa?**
- 7. Inissiat peqqissutsimut uloriarnartorsiortitsinngitsut pillugit siunissamut isigisumik qulakkeerinninnissaq pillugu Naalakkersuisut qanoq pilersaaruteqarpat?**

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Nutaarsiassaqartitsivitsigut qanittumi atuarneqarsinnaavoq inissiat nutaanngilisut nutarternissaannut milliardit 6-it 18-illu akornanni akeqarnissaat tagginneqartoq, aammalu piffissap ingerlanerani tamanna millinaviangitsiq.

Tamatuma saniatigut oqariartuutigineqartuarput inissiat oqummik ajornartorsiuteqarfiusut. Tamakku aallaavigalugit Naalackersuisunut apeqqutikka ingerlateqqippakka.

Kissaatigivara apeqqutikka ullut suliffiusut qulit qaangiutinnginneranni akineqarnissaat.